

## Žurnalisća mjeňšinowych nowin w Bratislavje

### Hosćiciel madžarska nowina

Wosom žurnalistow mjeňšinowych nowin Europy kubła so tuchwilu w Bratislavje a wopytuje madžarsku mjeňšinu w Słowakskej. Mjez nimi staj Madžaraj z Rumunskeje, Pólka z Českeje, Šwedaj z Finskeje, Słowjenka z Italskeje, Pólka z Litawskeje a Serbowka z Němskeje. Konwersaciska řeč je přewažnje jendželščina. Zjednoćenstwo mjeňšinowych nowin Europy MIDAS je tele dalekubłanje přihotowało. Jeje lětuša partnerka je mjeňšinowa nowina Madžarow w Słowakskej ÚJ SZÓ.

Předsyda Narodneje rady Słowakskeje republiky Pavol Paška (Smer-SD) wobdželnikow wutoru přija. Na prašenje, kak posudžuje zhromadnosć swójby słowjanskich narodow w stajnje rozšěrjacej so Europje, rjekny wón Serbskim Nowinam, zo je róla Słowjanow w času přiběraceje globalizacije njesnadna. Wuzběhny, zo je Słowaska wot wšeho spočatka była sympatizantka Europejskeje unije. Kraj na to džiwa, zo bychu jeho mjeňšiny po swojej wulkosći tež wotpowědne móžnosće wuwieća měli. Na Serbow so počahujo praji wón, zo maja woni we wulkej słowjanskej swójbje swój wuznam. Pohonjowaše zdobom, kontakty mjez našimaj ludomaj nic jenož dale pěstować, ale je přisporjeć.

Žurnalisća zetkachu so z madžarskim nakładnikom Dušanom Szigetijom, kotryž bě za čas českeho prezidenta Václava Havela jeho najbliži poradžowar. Přez mjezy swojeho kraja skutkowacaj předewzaćelej madžarskeje narodnosće Gábor Zászlós a L'udovít Pósa rozložistaj nowinarjam mjez druhim hospodarske položenje Słowakskeje w europskim zwisku.

W nakładnistwje Petit Press informowaše jednaćelka Edita Slezáková wo nastaću předewzaća a rozložićeže při wudawanju mjeňšinoweje nowiny. Nakładnistwo přewažnje dženiki a magaciny w słowakskej řeči wudawa. Šefredaktor ÚJ SZÓ (Nowe Slovo) Norbert Molnár rysowaše džělawasć tydžensce šěsć króc wuchadźaceho madžarskorěčneho dženika. Při tym dyrbi so nowina nimale dospołnje ze swójskimi srědkami financować. Stat přewostaja jenož skromnu spěchowansku sumu.

Na probje přeswědčichu so kursisća wo profesionalnosći rejwanskeho ansambla Ifju Szivek. W hakle lěta 2002 wutworjenym Madžarskim muzeju njesłyšachu redaktorjo jeno wo stawiznach madžarsko-słowakskeje pomjezneje kónčiny. Wosebita wustajeńca zbliži jim tohorunja aktualnu diskusiju wo poli-

tiskich podawkach lěta 1968 w Čěskosłowakskej. Časowe dokumenty swědča wo sylnym wobdźělenju madźarskeje mjeńšiny na tym w juhu tehdyšeho kraja.

Žurnalisća zeznachu so z reprezentantami Madźarskeje koalicyjskeje strony, kotraž skutkuje jako opozicyjska strona w parlamencie. W madźarskej redakciji Słowakskeje telewizije rozložichu hosćom móžnosće mjeńšin, w swójskej maćeršćinje na tutym kanalu wusyłać. ***M. Rječcyna***